



ATA OFISIAL DI RIUNION VIRTUAL SPESIAL DI KUMITÊ SKULAR DI BOSTON

kuarta-fera, 26 di julhu di 2023

Kumitê skular di Boston fazi un riunion remotu 26 di julhu di 2023, 18 ora na Zoom. Pa opten mas informasons sobri kualker un di itens na lista la di baxu, vizita, www.bostonpublicschools.org/schoolcommittee, ô invia un email pa feedback@bostonpublicschools.org ô txoma pa skritóriu di Kumitê Skular di Boston na (617) 635-9014.

FREKUENSIA

Menbrus di kumitê skular Prezenti: Prizidenti Jeri Robinson; Visi-Prizidenti Michael D. O'Neill; Stephen Alkins; Rafaela Polanco Garcia; Quoc Tran; y riprezentanti di alunus Diego Meta.

Menbru di Kumitê Skular Auzenti: Brandon Cardet-Hernandez.

DUKUMENTUS APREZENTADUS

[Ajenda](#)

[Memo: Autoavaliason di superitendenti pa anu letivu di 2022-23](#)

[Autoavaliason SY 2022-2023 di Superitendenti Skipper](#)

[PowerPoint: Autoavaliason SY 2022-2023 di Superitendenti Skipper](#)

PIDIDU DI ORDI

Prizidenti Jeri Robinson konvoka un riunion y el lidera un juramentu di lieldadi. A Sra. Sullivan Txoma psoal. Sr. Cardet-Hern ka staba prezenti. Tudu kes otus membrus staba prizenti.

Sra. Robinson fla ki riunion di oji di noiti staba ta ser transmitida en diréto na Zoom. Ta ser ritransmitidu na TV di sidadi di Boston. També ta ser publikadu na bostonpublicschools.org/schoolcommittee e na YouTube. Ê anunsia ki staba dispunível servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunês, Mandarim, Língua Jestual Amerikanu (ASL), y da instruson modi ki ta asededu interpretason simultaniu ta trola kanal Zoom. Dukumentus traduzidus di reunion sta postadu na www.bostonpublicschools.org/schoolcommittee antis di inisio di riunion.

Runion virtual spesial di Kunitê skular di Boston

Zoom

26 di julhu di 2023

Sra. Robinson, splika ki, pamo ê un runion spesial di Kunitê skular, sentradu skluzivamenti na autoavaliason di Superintendenti, ka ta ben ten un perîudu pa kumentárius di públiku. E fla ma ta ben ten oportunitadi pa kumentárius di públiku sobri avaliason di superintendenti na prósimu runion ordináriu di Kunitê, na 30 di agostu, tenpu ki Kunitê ta ben aprezena se avaliason sumativu, di Superintendenti Skipper pa anu letivu di 2022-23.

RILATÓRIU

Autoavaliason di superintendenti Skipper, SY 2022-23- Sra. Robinson diskrevi brevementi prusesu di avaliason di superintendenti. Un di kes prinsipal responsabilidadi ddi Kunitê Skular di Boston ê kontratason, supervizon y avaliason di superintendenti. Apezar di superintendenti Skipper ka ten inda un anu kompletu frenti di BPS, se kontratu ta preve ki Kunitê fazi un avaliason antis di inísiu di prósimu anu letivu.

Avaliason ê fetu na kuantu fazi:

1. Objektivus akordadus
2. Un autoavaliason fetu pa superintendenti
3. Avaliasons individual di menbrus
4. Avaliason sumativu ku bazi na kes avaliason indiviudal li, segidu di votason di Kunitê sobri avaliason.

Dipos di aprezentason di autoavaliason di Superintendenti pa SY22-23, kel noti li, Kunitê ta ben avalia dizenpenhu di Superintendenti en relason a ses objektivus ki ê aprezena publikamenti pa primeru bes na outubru di 2022:

- Da prioridadi y silera dizenpenhu akadémiku
- Reforsa asesu a aprendizajen Sosio-imumiunal
- Sinplifika operasons y garanti seguransa di alunus
- Dizenvolvimentu di prátikas autêntikus di involvimentu di família y di kumunidadi
- Midjora kumunikason internu y sterneru ku familias y funksionáriu
- Aumenta responsabilidadi di servisus sentral y di skolas

Avaliason ta ben ser fetu di akordu ku orientasons dadus pa kuadru di Departamentu di idukason ilementar y sekundáriu di Massachusetts (DESE), ki inklui kuantu normas:

1. Lideransa instrusional
2. Jeston y operasons
3. Involvementu Familiar y kumunitáriu
4. Kultura profisiunal

Runion virtual spesial di Kunité skular di Boston

Zoom

26 di julhu di 2023

Superintendenti Skipper aprezena se autoavaliason pa anu letivu 22-23, ta klasifika se dizenpenhu na kada un di kes kuaru normas komu ifikas.

Ê Distaka rializasons di se ikipa na kada un di kes kategorias:

Padron I: Lideransa instrusional

- Literasia Ikuitativu
- Inkluzon
- Planu bilingi/OMME
- Universidade antesipadu
- Spanson di ensinu tékniku profisiunal
- Apoiu a Alunu: Oportunidadi pa jovens y absentismu króniku

Padron II: Jeston y Operasons

- Strutura di Ikipa: Adjuntus
- Strutura di Ikipa: Mudelu Rejiunal
- Planiamentu di Instalasons
- Gabeti di Jeston di Imerjensias/Planiamentu di Siguransa Skular
- Sistemas di Kumunikasons
- Kontratus di Trabadju

Padron III: Involvimentu Familiar y Kumunitáriu

- Restrukturason: Ileva Ikuidadi, Prumuson di Familia y di Kumunidadi
- Milhurias na Konselhu Skular
- Linha di Apoiu a Familia BPS
- Spanson di Menturia Parental

Padron IV: Kultura Profisiunal

- Kumunikasons Internu
- Foku na Dizenvolvimentu Profisiunal
- Kontratu di Lider Skular
- Struturas di riunion

Superintendenti fla ma, na anu pasadu, el y se ikipa konsentra na avaliason di distritu, au mesmu tenpu ki ta intruduziba ativamente melhorias y ta daba prioridadi a konstruson di un bazi sólidu ku kriason y reforsu di sistemas y struturas isensial. E fla inda ma ten txeu trabadju a fazi y ki ê pusível un mudansa ouzadu y transformadora. Superintendenti agradezi kunitê se apoiu y kulaburason.

Dr. Alkins pergunta superintendenti kal ki era se ária prioritáriu mas preminente. E fla ma dizenvolvimentu di un planu pa idukason inkluzivu ê un prioridadi, tantu en termus di poi alunus ku difisiensia na ambientis menus restritivus komu di pruporsiona alunus multilingis un asesu mas grandi a língua maternu. E fla ma reforsu di involvimentu di famíia y di kumunidadi, sistemas di apoiu a munti nível y sistemas y struturas operacional ê prioridadis tanbe. Na futuro, se ikipa ta ben sentra tanbe na kapital umanu, na finansas y na servisus alimentaris.

Runion virtual spesial di Kunité skular di Boston

Zoom

26 di julhu di 2023

Superintendenti afirma ki ê sa tensiona adota mudelu di Dra. Karen Mapp di involvimentu autentiku di família.

Sra. Polanco Garcia papia txeu dretu di Accelerating Board Capacity Summer Leadership. Institute en ki kunitê partisipa na inísiu des mês Segundu el, formason, ko-organizadu pa Council of Great City School y pa Harvard Business School/Harvard Graduate School of Education, sublinha responsabilidadi ki konselhus skularis tèn na melhoria di rezultadus di alunus y na supervizon di superintendenti. E refiri ma munti distritus ta partilha mesmus dizafius ki BPS. Sra. Polanco Garcia pidi dadus sobri númeru di profesoris bilingis, paraprofesional bilingis atualmenti na distritu, en konparason ku númeru di profesoris bilíngis ora ki Superintendenti Skipper asumi kargu pa primeru bes.

Sr. Tran ilujia superintendenti pa ter rezolvidu tudu kontaktus di trabadju pendentis. Ê pergunta modi ki distritu komunika ku pais sobri oportunitadadi di ensinu di língua maternu y modi ki distritu sa plania spandi oportunitadadi di orientason di pais. Superintendenti papia sobri susesu y spanson di prugrama di tuturia di pais di St. Stephen's. E fla ma planu di idukason inkluzivu di distritu debi ser aprezetadu a Stadu na agostu, komu parti di planu di melhuria sistémiku (SIP) Kumisária fla ma idukason inkluzivu ta ben aumenta persentajen di alunus ku difisiensia na ambientis menus restritivu y ta ben aumenta persentajen di alunus multilingis ku algun nível di asesu a língua maternu.

Sr. O'Neill agradezi superintendenti fatu di se autoavaliason ter sidu txeu fokadu y rezumidu. E fla me ta gostaba pe splikaba midjor medidas ki ê sta ta toma en resposta a rekomendasons di Council of Great City Schools y SIP. Superintendenti sklaresi Sr.O'Neill ki parseria di distritu ku Franciscan Children's Hospital ta ben konplementa, y ka ta ben substitui, ben susedidu mudelu di saúdi konpurtamental abranjenti di distritu ku Boston Children's Hospital. Mr. O'Neill pergunta modi ki distritu podi midjora fiabilidadi di munitoris GPS na autokarus pa garanti dadus mas presizus. Superintendenti splika ki serka di 3 a 4% di munitoris GPS di frota di 750 autokarus di distritu ten problemas ku rekolha di dadus pa munti razons y ki ikipa di transportis sta ta trabadja pa rezolvi kes problemas li. Sr. O'Neill fla ma ê gostaba di oia un enfazi na partisipason di família y di kumunidade ora ki planu di instalasons for publikadu. Ê felisita Superintendenti pa obtenson di rezulusons labural. Ê insentiva superintendenti a analiza trabadju ki otus distritus skular sta ta fazi, pur izenplu, Charlotte ku sistemas di saúdi, Dallas ku kumunidade inprezarial luka y Long Beach ku rekolha di kunhesimentus spesializadus di indústria. Ê pergunta sobri trabadju di distritu na matéria di literasia ikitativu y modi ke podi aumenta oportunitadadi pa alunus y kolmata fadjas. Superintendenti fla me sta ta uza redis rejional y kumunidade di aprendizajen profesional pa implementa prátikas di literasia ikitativus di forma konsistenti na tudu salas di aula. Ê papia sobri investimentu profundu di distritu na material didátikus di altu kualidadi ki ê kulturalmenti y linguistikamenti afirmativus. Superintendenti fla me sta konfiante di ki un literasia ikitativu, djuntu ku apoius adekuadus, ta ben midjora rezultadus di literasia di alunus y ta ben djuda a kolmata fadjas.

Dr. Alkins pidi superintendenti pa aprezenta un matris ki ta relasionaba se tioria di ason ku SIP, rekomendasons di Council of Great City Schools y valoris di kunitê skular.

Runion virtual spesial di Kunité skular di Boston

Zoom

26 di julhu di 2023

Ê pergunta kal ke kalendáriu pa partisipason di família y di kumunidade na planu direktor di instalasons. Superitendenti fla ma, na outonu, el y se ikipa ta ben aprezena Kunité un prujetu di rubrika di planiamentu di kapital, djuntu ku un painel di avaliason di kondisons di instalasons.

Sra. Robinson papia di sentimentu di urjensia ki alguns manifesta relativamenti a inkluzon. Superitendenti papia di prugresus fetus na skolas di transformason y ê fla ma ses ikipas di redi rejional sta ta trabadja pa da skolas apoiu nesésáriu pa jiri mudansa en grandi skala. Ikipas di redi sta ta trabadja ku direktoris di skolas y spesialistas na dadus pa toma disizons baziadus na dadus y djobi un midjora kontinu.

Sra. Robinson pergunta superitendenti kal ki era se maior orgulhu na se primeru anu. Superitendenti fla ma ê ta orgulha di ter rezolvidu kontratus di trabadju, di ter estabilizadu núkliu di direktoris y funksionáriu, tantu a nível di skolas komu di distritus, y di ter elevadu sistema di un manera sustentável.

Sra. Robinson pasa en revista kalendáriu di avaliason. Duranti prósimus semanas, kada menbru di kunité ta ben fazi se propriu avaliason. Dr. Alkins e o Sr. O'Neill ta ben nton kompila informason na un avaliason sumativu ki ta ben ser aprezentadu na runion di 30 di agostu. Kunité ta ben vota klasifikason final di dizenpenhu di superintendenti na 13 di setenbru. Sra. Robinson konfirma Sr. Mehta ki ê ta ben partisipa na prusesu di avaliason di superitendenti. Sra. Robinson konfirma Sr. Mehta mê podi manda email ku sê avaliason kompletu pa Sra. Sullivan y superitendenti. Sra. Robinson agradezi Dr. Alkins y a Sr. O'Neil pa ter konduzidu prusesu.


NOVU NEGOSIU

Ninhun.

ADIAMENTU

Apruvadu- Pa volta di 7:55 pm Kunité vota ku unanimidadi, pa xamada nominal adiamentu di runion.

Atestadu:



Elizabeth A. Sullivan
Sikretária Izekutiva